

doctissimum in primo antiquitatum titulo nono  
dicere arithmetiam & astronomiam. abraham primum  
aegyptiis tradidisse. Unde semina suscipientes ut sunt  
homines acerrimi ingenii excoluisse sibi reliquas  
lataus disciplinas quas merito sci patres nostri legendas  
studiosissimis persuadent quoniam ex magna parte  
per eas a carnalibus rebus appetitus abstrahitur. &  
faciunt desiderare quae praestant deo solo possi-  
mus corde respicere. quocirca tempus est ut de eis  
singulatim ac breuiter disserere debeamus.

### DE ARITHMETICA

**S**cribtores saecularium litterarum inter disciplinas  
mathematicas primam omnium arithmetiam esse  
uoluerunt. propterea quod musica & geometria  
& astronomia quae sequuntur indigent arithmetica  
ut uirtutes suas ualeant explicare. uerbi gratia simplum  
ad duplum quod habet & musica indiget arithmetica geo-  
metria uero quod habet & triginum quadriangulum uel his  
similia idem indiget arithmetica. Astronomia uero  
quod habet & in motu siderum numeros punctorum indiget  
arithmetica. Arithmetica uero ut sit neque musica  
neque geometrica neque astronomia egere cognoscitur.